

PRIPREMA TENDERSKE DOKUMENTACIJE I PONUDA – KOMENTAR I PRAKSA



Knjiga predstavlja komentar Uputstva za pripremu modela tenderske dokumentacije i ponuda („Službeni glasnik BiH“ br. 90/14 i 20/15), podzakonskog akta donesenog od strane Agencije za javne nabavke BiH. Radi se o podzakonskom aktu čija skoro svaka odredba je primjenjivana u postupku javne nabavke i preispitivana postupku pravne zaštite, zbog čega ovo Uputstvo ima izuzetan značaj za pripremu tenderske dokumentacije i ponuda, kao i pravilno provođenje samog postupka javne nabavke.

Danas, javne nabavke predstavljaju značajan segment prava, prepoznat kao izuzetno bitan mehanizam države za ostvarenje svojih potreba uz obavezu zaštite javnog interesa. Upravo zato,

pravilno provođenje postupka javne nabavke dodatno dobija na značaju, a na akterima u postupcima javnih nabavki stoji dodatna odgovornost za provođenje postupaka javnih nabavki uz poštovanje osnovnih principa javnih nabavki sve sa ciljem dobijanja najbolje vrijednosti za novac.

Knjiga Priprema tenderske dokumentacije i ponuda u postupcima javnih nabavki nastala je kao rezultat entuzijazma autora i sa nadom da će koristiti zainteresovanoj stručnoj javnosti. Želja autora je da kroz stavove i pravna shvatanja odredbi ovog Uputstva pruže doprinos literaturi iz oblasti javnih nabavki, jer smatraju da literature iz ove oblasti nema onoliko koliko bi bilo neophodno, ako se ima u vidu značaj javnih nabavki u pravnom sistemu BiH. Radi toga, namjera je da ova knjiga pruži naučni doprinos u oblasti javnih nabavki u BiH, a pored toga da praktičarima iz oblasti javnih nabavki pruži odgovore na dileme koje imaju u pogledu primjene pojedinih pravnih normi.

Cilj knjige je da de lege lata sagleda suštinu i namjeru koju je donosilac Uputstva imao pri propisivanju pojedinih pravnih rješenja, odnosno da dogmatskom metodom protumači postojeće pravne norme iz ovog Uputstva.

Knjiga sadrži i de lege ferenda osvrst, sa namjerom da ponudi odgovarajuća pravna rješenja koja bi unaprijedila postojeću regulativu, te na bolji način uredila pojedine pravne institute, jer autori smatraju da kritika pojedinih odredbi ne može i ne smije imati smisao, ukoliko se ne predloži adekvatnije pravno rješenje.

Knjiga je koncipirana na način da sadrži komentar odredbe Uputstva sa relevantnom pravnom praksom Kancelarije za razmatranje žalbi BiH i Suda BiH u mjeri u kojoj su autori smatrali da praksa najbolje odražava primjenu pravne norme. Nastojali su da se osvrnu na svaku odredbu Uputstva, sa pripadajućim komentarom, dajući joj smisao i mjesto u sistemu javnih nabavki. Tako, neke od odredbi sagledane su i šire od samog normiranja unutar Uputstva, sve sa ciljem približavanja određenog pravnog instituta. Smatrali su da je nekad prije samog komentara pravne norme potrebno imati u vidu razloge zbog kojih je pravna norma takva kakva jeste. Posebno su smatrali da je potrebno odredbe Uputstva analizirati u odnosu na Zakon o javnim nabavkama, Zakon o upravnom postupku BiH i Direktivu Evropske unije o javnim